

( C O R O S I N F E S T A )

**1**

Sonana sas cam panas:s'armonia  
de cussos brunzos azzenden s'aera,  
e a issa sos cantos  
melodiosos tantos  
de sos puzones, che in primavera,  
lis faghen'amorosa cumpagnia.

**2**

Oe est festal! in giubilu sos coros  
sun tottucantos:tott'est gioia e risu  
custa solenne die.  
Forsi non c'hada e chie?  
non godat oe custu Paradisu!  
essende tottu in issa sos addoros!

**3**

Est a festa ogni via pavesada,  
sa 'idda tott'est posta in movimentu;  
sos minores in pannos  
non capini,e sos mannos  
su matessi. Est pro s'avvenimentu  
ogni cosa a su bellu preparada.

**4**

Est in festa sa chjaja:e s'altare  
est istellada a petalos dorados;  
profumos e incensos  
si cunfunden'immensos  
in tottas battor'angolos sagrados  
c'a s'anima dat forz'a pius pregare.

**5**

Est paghe tottu,tott'est allegrias  
de oe custas oras e istantes.  
Su sero, appena tardu,  
tott'est folklore sardu:  
cura de caddos, rodas dettonantes,  
garas de ballos e de poesias.

**6**

Sun sos coros in festa,e pro sa festa  
han'abertu sas giannam,e in tottue?  
No! ca caliguna,  
pro pena o disfotuna,  
est serrada! Est signale ch'in cue  
calchi coro s'agattat in tempest!

**7**

S'in tempest'est cal'unu a cand'est  
ch'istas  
festante?curre lestru e bussa inie  
e d'a s'isconsoladu  
cunfortu! e sull'avadu  
siat in custas oras de-a tie  
de cussas suas penas troppu tristas.

**8**

Bae,e non dudas,pienu de tantes  
cunfortos, già ti divertis poi!  
e faghende tesoro  
de cussu tristu coro  
in lagrimas isoltu! Solu goi  
sun sos coros in festa tottucantos.

=====

autore: RUGGIU GIOVANNI

Indirizzo:

RUGGIU GIOVANNI

SAMATZAI (Magliari)

